

սիրոյ. զի մեք խնայելով ի միմեանս, նայեցեալ յաստուածեղէն վարդապետն, զմիմեանս սիրեսցուք երկեղիւ. զի մի՛ միմեանց վնասել իշխեսցուք: 33 Իսկ եթէ դու ի քո եղբայր եւ ի ծառայակիցն եւ յընկերակիցն եւ ի հարազատն ոչ խնայեսցես, որ կամաւն եղբայրացեալ է մեզ Տէրն՝ ի քեզ ոչ խնայեսցէ: 34 Չի նա մեզ այսպէս ասաց. *Որ ձեզ լսէ, ինձ լսէ. եւ որ զձեզ ընդունի, զիս ընդունի. եւ որ զձեզ անարգէ, զիս անարգէ*<sup>ա</sup>: 35 Եւ որ այժմ դեռ մեք<sup>1</sup> ընդ քեզ խաւսի, լո՛ւր Զրիստոսի, զի մի՛ կորիցես դու. գուցէ անկեալ ի թագաւորութենէդ քումմէ, կենդանւոյն միայն շրջիցիս, եւ ոչ ոք քեզ աւզնիցէ: 36 Այլ այժմ լո՛ւր Զրիստոսի, եւ խնայեա յանձն քո, մի՛ հեղուլ զարիւն եղբար քո հարազատի՝ սպանանել զարդարն ի տարապարտուց յանխնայ:

37 Իսկ թագաւորն սալացեալ<sup>2</sup>, ոչ ինչ լսէր. գերեսսն վտաւատաւն ծածկեալ՝ ոչ բանայր, եւ ոչ կամեր առնել բանիցն պատասխանի. այլ ընկողմնեալ պատեալ ծածկեալ կայր ի գահոյսն, զի եւ շարժել անգամ ոչ տղէր: 38 Իսկ մինչ դեռ նա զայս եւ այսպիսի բանս ողոթոյ<sup>3</sup> ընդ թագաւորին խաւսէր, զայր արտաքուստ դահճապետն Երազմակ, մտանէր ի խորանն արքունի, սկսանէր պատմել՝ զի ի գլուխ հանի կատարեցի, ասէ, զամենայն զիրամանս արքունի. առի գնացի զԳնէլ, տարայ մինչեւ յորմ Սիւսին<sup>4</sup> սպանի, եւ անդէն թաղեցի:

39 Ապա խաւսել սկսանէր սուրբն Ներսէս, եւ ասէր. Արդարեւ իսկ իբրեւ աւծի քարբի, զի ինու զականջս իւր՝ զի մի՛ լուիցէ նա զձայն թովչի ճարտարի, եւ մի՛ առցէ զդեղ ի դեղատուէ իմաստնոյ, սոյն աւրինակ եւ դու խցեր զականջս, եւ կափուցեր զլսելիս, զի մի՛ լուիցես զաւգտակարս բարբառոց զաստուածեղէն բանիցն խրատուն. այլ զգագանաց առեալ զբարուցս, սկսար լինել մարդախանձ: 40 Վասն այնորիկ որ ի վերայ նոցա ասացաւ, լիցի այն ի վերայ քո, որպէս ասէն. *Աստուած փշրեսցէ պատամուսս նոցա ի բերանս նոցա, եւ զժանիս առիծուց խորտակեաց Տէր*<sup>ա</sup>: 41 Վասն զի ընդդէմ դարձար հրամանին Զրիստոսի Տեառն քո, վասն այնորիկ անարգ լիջիր դու իբրեւ զջուր հեղեալ. եւ ի լարել աղեղան սորա՝ տկարասջիր: 42 Եւ կործանումն՝ որ բերանով մարգարէին ածի ի վերայ ձեր, ըմպել ազգիդ Արշակունեաց գետին բաժակն, արբջիք արբեսջիք եւ կործանեսջիք, եւ այլ մի՛ եւս կանգնեսջիք: 43 Եւ անսպառ ժամանակին հրոյն սպառնալիք հասանիցեն ձեզ ի Տեառնն զալստեանն. եւ անկջիք ի խաւարն, եւ մի՛ եւս տեսջիք զարեւ փառաց Որդոյն

<sup>ա</sup> Հմմտ. Ղուկ. Ժ 16:

<sup>1</sup> *Օրինակ մի՛* որ յարածամ մեք

<sup>2</sup> *Օրինակ մի յաւելու՛*՝ քարացեալ

<sup>3</sup> *Օրինակ մի՛* ողոթելոյ

<sup>4</sup> *Օրինակ մի՛* Նիւսին

<sup>ա</sup> Սաղմ. ԾԷ 7